




REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Priljeho/Prodato Received/Delivery	29.01.2024	viti god year	4
Organ /Njesia Organ/Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicitna Quantity
SKRIMSACK	537/2024		1/3



Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1516/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Jeton Koca - kryetar, Eshref Shabani dhe Ardita Haxhnikaj-Demi-anëtarë; me Rushit Kajtazi-Zyrtar i Lartë për Bashkëpunim Profesional në cilësinë e procesmbajtësit, duke vepruar ne procedurë sipas ankesës A.nr.1516/2023, të datës 12.12.2023, të parashtruar nga kundër Vendimit Nr.23/165 të datës 12.10.2023 të Qeverisë së Republikës së Kosovës, në çështjen juridike "Kërkesë nga marrëdhënia e punës", në pajtim me nenin 6, paragrafin 1, nën paragrafin 1.1, dhe nenin 18, paragrafin 1, nën paragrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, si dhe në mbështetje të Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 29.01.2024, mori këtë:

V E N D I M

Hedhet poshtë si e parakohshme ankesa A.nr.1516/2023 e datës 12.12.2023 e parashtruar nga ankuesi,

A r s y e t i m

Nëpunësi civil, (në tekstin e mëtejme referuar: Ankuesi) i punësuar në pozitën e punës "Administrator i Sistemit" në Ministrinë e Drejtësisë, më datë 12.12.2023 ka parashtruar ankesë me numër protokolli 7431/2023 të regjistruar nën shenjen A.nr.1516/2023 në Këshillin e Pavarur Mbikëqyrës për Shërbimin Civil, kundër Vendimit Nr.23/165 të datës 12.10.2023 të Qeverisë së Republikës së Kosovës, për shkak se pozita të cilën e mban i njëjti nuk është përfshirë në Listën e Eksperteve sipas Shtojcës 14.4 të Ligjit Nr.08/L-196 për Pagat në Sektorin Publik.

Kolegji për Shqyrtimin dhe Vendosjen e Ankesave (në tekstin e mëtejme referuar: Kolegji i Këshillit) pas shqyrtimit të shkresave të lëndës të parashtruara nga palët në procedurë ka konstatuar se ankesa e ankuesit, është e parakohshme, sepse:

Nga administrimi i provave të lëndës rezulton se Qeveria e Republikës së Kosovës, bazuar në dispozitat e Ligjit Nr.08/L-196 për Pagat në Sektorin Publik dhe Rregulloren (QRK) Nr.11/2023 për Ekspertet, me Vendimin Nr.07/132 të datës 08.03.2023, ka themeluar Komisionin për

Vlerësimin e Sistemeve Shtetërore të Informacionit dhe Komunikimet më Rëndësi Strategjike, përgjegjës për pranimin e kërkesave të dërguara nga institucionet dhe vlerësimin e tyre, si dhe dërgimin në Qeveri për aprovim të Listës së Eksperteve, të kategorizuar në shtojcën 14.4 të Ligjit Nr.08/L-196 për Pagat në Sektorin Publik. Si rrjedhojë, Komisioni përkatës i themeluar nga Qeveria, ka përgatit Raportin e punës, Listën e sistemeve shtetërore të informacionit dhe komunikimeve me rëndësi strategjike dhe Listën e pozitave të Eksperteve sipas Shtojcës 14.4 të Ligjit Nr.08/L-196 për Pagat në Sektorin Publik, të cilat janë miratuar nga Qeveria e Kosovës, me Vendimin Nr.23/165 të datës 12.10.2023.

Kundër Vendimit Nr.23/165 të datës 12.10.2023 të Qeverisë së Kosovës, ankuesi, me datë 12.12.2023 ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimin ankimor se pozita e Administratorit të lartë të TI-së të cilën e mban i njëjti nuk është përfshirë në Listën e Ekspertëve sikurse parashihet me Shtojcën 14.4 të Ligjit Nr.08/L-196 për Pagat në Sektorin Publik.

Kolegji i Këshillit lidhur me pretendimet ankimore të ankueses ka analizuar shkresat e lëndës të dorëzuara nga palët në procedurë dhe për rrjedhojë ka gjetur se organi përkatës i punësimit, gjegjësisht, Ministria e Drejtësisë, përmes Kërkesës me numër protokoll 02-443 të datës 21.03.2023, ka propozuar sistemet e saj për tu kategorizuar si Sisteme Shtetërore të Informacionit dhe Komunikimit me Rëndësi Strategjike dhe po ashtu pozitave të punës në kuadër të këtyre sistemeve për tu kategorizuar si ekspert sipas Shtojcës 14.4 të Ligjit Nr.08/L-196 për Pagat në Sektorin Publik, mirëpo duke qenë se asnjëri nga sistemet e propozuara nuk është vlerësuar si sistem me rëndësi strategjike, nga Komisioni përkatës i themeluar nga Qeveria, Ministria e Drejtësisë, me kërkesë të përsëritur, gjegjësisht me Kërkesën me numër protokoll 02-1377 të datës 13.11.2023 ka kërkuar rishikimin e kërkesës të datës 21.03.2023 lidhur me kategorizimin e eksperteve sipas Shtojcën 14.4 të Ligjit Nr.08/L-196 për Pagat në Sektorin Publik.

Andaj, duke marr parasysh faktin se organi i punësimit, gjegjësisht, Ministria e Drejtësisë, me datë 13.11.2023 ka parashtruar kërkesë për rishikim të listës së pozitave të ekspertëve tek Komisioni për Vlerësimin e Sistemeve Shtetërore të Informacionit dhe Komunikimit me Rëndësi Strategjike, Kolegji i Këshillit konstaton se ankesa e ankueses e parashtruar me datë 12.12.2023 në Këshillin e Pavarur Mbikëqyrës për Shërbimin Civil të Kosovës, ende pa kaluar afatit për vendosje në raport me kërkesën e datës 13.11.2023 është parakohshme në kuptim të dispozitave të Ligjit Nr.05/L-031 për Procedurën e Përgjithshme Administrative, përkatësisht nenit 98 paragrafi 1 dhe 2 ku përcaktohet se: 1. *Procedura administrative nisur sipas kërkesës, do të përfundojë sa më shpejt që të jetë e mundur, por jo më vonë se sa afati i përcaktuar me ligj të veçantë për atë lloj procedure.* 2. *Në rast se ligji i veçantë nuk ka paraparë një afat, siç është paraparë në paragrafin 1 të këtij neni, afati i përgjithshëm i zbatueshëm për përfundimin e procedurës administrative është dyzetepesë (45) ditë nga fillimi i saj,* ngase me rastin e parashtrimit të ankesës nga ankuesi nuk ka kaluar afati i përcaktuar prej 45 ditësh nga dita e parashtrimit të kërkesës për rishqyrtim nga organi përkatës i punësimit, dhe si e tillë ankesa vlerësohet e papranueshme në kuptim të nenit 127 paragrafi 4 ndërlidhur me nenin 129 paragrafi 1 nën paragrafi 1.3 të Ligjit Nr. 05/L-031 për Procedurën e Përgjithshme Administrative.

Kështu që për sa me sipër e duke u bazuar në nenin 18 paragrafin 1 nën paragrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji i Këshillit vendosi si në dispozitiv të këtij Vendimi.

Këshillë juridike: Vendimi hyn në fuqi në ditën e nënshkrimit nga Kryetari i Kolegjit. Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda me numër A.nr.1516/2023, datë 15.01.2024

Rushit Kajtazi

Procesmbajtës


Jeton KOCA
Kryetar i Kolegjit

Vendimi i dorëzohet:

- Ankueses,
- Komisionit për Vlerësimin e Sistemeve Shtetërore të Informacionit dhe Komunikimit më Rëndësi Strategjike;
- Arkivit të KPMSHCK-së.

